

Убратусса Мухаммад-хажжи

Алил арс Мухаммад увну ур Убрав 1678 шинал. Чивисса чѳумала га ивкѳун ур хѳинну дуккавил гѳира бусса. Му дуклай ивкѳун ур ярусаннал шяраватусса Кѳудукѳиял Мусал арс Мухаммадлѳа, муния махъ цап-пара цаймигу аѳлимтурачѳа. Оѳрму-лул 17 шинаву га лавгун ур элмулул кѳулшивуртгал хѳири в аѳрабустаннайн. Мухаммад Убри ивну ур чѳявусса билятиртгай – Йемен, Египет, Саоѳд Аѳрабустан).

Ца ппуртгугу га дуклай ивкѳун ур Йеменнал шайх Мухаммад Салихлѳучѳа. Шайх Мухаммад Салихлѳучѳан Дагѳустанная дуклан бивкѳун бивкѳун бур шама жагѳилсса оѳрчѳи. Гайннан чѳай бивкѳун бур шайхнаяту элму сиррул раббани (Заннал яла кѳюлтѳимур элму). Га элму кѳулманаща чѳимур даву дан бюхѳайссар тѳар, ганая хѳунмасса гужрал заллу шайссар тѳар. Мунияту га элму чѳи-чѳиманан лахѳхѳин дайссагу диркѳун дакѳар. Шайхнал гѳарца мутааѳлим хѳал айсса ивкѳун ур, га элму лахѳхѳин дан лайкѳсса урив ягу акѳарив. Хѳал айсса хѳуллурдугу жура-журасса бивкѳун бур. Сирру раббани элму лархѳхѳуминнал оѳрму кутласса бикѳайссар тѳар, ягу ганал хѳхѳичѳунсса инсан ивчѳайссар тѳар. Шайх Мухаммад Салихлѳул жагѳилтурохѳу цичѳав кѳяувкуну, гай захѳатсса давуртту дуллал бивну бур. Цаппара хѳал хѳувкун, жагѳилтурал ссавур кѳюла дуклан диркѳун дур. Ца зурува гайнна-васса ца шавай лавгун ур, кѳива зурува гамагу лавгун ур. Ливчѳун ур так ца Мухаммад Убри. Шайхнал цѳувххуну бур: «Ина циван авѳѳура, вицалми шаппай лавгуннихѳа?» - куну. Мухаммад Убриналгу: «На ивчѳаннин ссавур дана, анжагѳ сирру раббани элму лахѳхѳин бюхѳарча» - увкуну жаваб дуллуну дур. Шайх Мухаммад Салихлѳулгу га ссавур дусса унутѳий, цѳагу дурну лахѳхѳин дурну дур сирру раббани элму. Яла муният махъ Мухаммад Убри дуклай ивкѳун ур Накѳшубанди тѳарикѳатрал шайх Шамуллал Мурад бин Аѳлича,



Убурдал шяравалу.

суфийтал хѳадур байсса мурадийчѳа. Тийх усаксса хѳаллай ганан лавхѳхѳуну бивкѳссар личѳи-сса мазругу. Жагѳилсса аѳлимчу Мухаммад Убри тийх уна цанияр ца хуйсса луттирду машин ласлай, батллан ивкѳун ур. Ам-марив тиккусса кѳанттул закондалин бивну, кѳатлаллил инсаннан мукунсса луттирду баххан ихтияр кѳадиркѳун дур. Мухаммад Убринал бивѳуну бур цанма кулпатну тихасса душ. Цува тиха махъ-унай нанисса чѳумал ганал кулпатрахъ цащалва Дагѳустаннай бачу увкуну бур, амма та рязи хѳуну бакѳар. Аѳрабнал билятиртгайтѳу Убринал лавусун увкѳун ур арулва балчаннуйсса луттирду. Цала буттал шяраву ганал бивну бур цѳусса мизитгу, мизитрал чѳарав чаклин биссайсса кѳуллагу. Му кѳулла хѳакѳинусса кѳинигу сагѳну бур. Мухаммад-хѳажинал хѳаллилсса библиотекалугу бивкѳун бур мукѳазарвалу. Ца заманнай Имам Шамиллѳулума га библиотекалаву лу лавсун бивкѳссар тѳар. Убринал библиотекалугу, мадрасалугу хѳунмасса кѳану бивгѳусса элму гѳяз давриву, элмулухѳсса гѳира хѳишала бавриву.

Мухаммад Убри зий ивкѳун ур кѳадину Вихѳуллал шяраву, яла Дагѳусстаннал да-зуя арх бакѳасса Шаки тѳисса Азирбижан-нал шагѳрулий. Ливчѳимур оѳрму бивтун бур Убурдал шяраву. Цала караматрал каши ганал нажагѳ дакѳа ишла кѳадайсса диркѳун дур. Мухаммад Убринал бивкѳссар чѳявусса мутааѳлимтал: Мухѳиннал Дамадан, Ссугѳрациял Аѳбдурахѳман ва Пирмухѳаммад, Ахтѳиял Рахѳманкѳули, Ширваннаясса Халид Сулайман, шайх Исмаил Курдамери. Убурдал Мухаммад-хѳажу угѳара хѳувкун, ганачѳан элму лахѳхѳин увкѳун ур Кумиял Салихлѳ-аппаннигу. Угѳарасса оѳрмулуву Мухаммад Убри лавгун ур хѳажлив. Хѳажияту зану хѳуну ца нѳожмардугун 1746-ку шинал рабиоѳл-ахир зурул 13-нний дунияллия накѳлу хѳуну ур. Га увчѳуссар Убурдал хѳатталлил ялтту чулий. Мухаммад-хѳажу Убринал чѳарав увчѳуну ур ганал наслулиятусса аѳлимчу Асадуллагѳ. Я Аллагѳ, ганал барачат ва шафаѳт Кѳия-масса кѳини жуйнгу биян ба!

Аѳ. Хѳажиева «Лакрал диндалул агѳлу»

Ва
номерданий :



лаж. 4

Бучѳиссарив Кѳурѳан тар-жума бан?



лаж. 5

Ибрагѳим Идавсил
кѳисса



лаж. 6

Аллагѳнал барз

Бусурманнал васият

ВАСИЯТ БАВРИЯ ВА ГАНИЛ ЖУРАРДАЯ

автор: Камал Сагидов

Гарца инсаннал ва дунияллийсса оѳрмулул ахир ва абадлийса оѳрмулул дайди хѳу – бивкѳу хѳанай бур. Мунияту инсаннан, хаснува бусурманчунан бивкѳулийн хѳадур хѳанан аѳркинссар, му та бучѳавив ца Аллагѳнал бакѳа кѳакѳулнутѳий. Бивкѳулин хѳадуршинна давривун бухѳайссар васият чичавугу. Шариѳтрайн бивну васият учайссар инсаннал цува ивкѳукуну цала хѳуслин банмуния



бусаврин, ци-бунугу хайрсса иширан, вихшала дусса инсаннайн тапшур бивну, цала хѳуслия бурж лахѳаву ва ливчѳисса хѳуслил бутѳа цала оѳрчѳан ва варистуран кѳаритаву. Мубараксса Кѳурѳандалугу васиятрая бусласисса кѳива аят буссар. Васият буваву хѳанахѳиссар гужсса суннатну ва муният агѳамшивруя бусласисса чѳявусса хѳадисругу буссар. Имам Аль-Бухаринал бивѳусса ца хѳадисраву увкуну бур: «Гѳарца инсаннан аѳркинссар васият сакин бан ва цаѳѳава битан». Цамур хѳадисраву тѳий бур: » 3

Бусурман ва дъэви

Гьарца шиал Буттал Кланттул цанийса дъэвилулу ххушаврил байран гъан хъанан диркьлукун, цавагу Аьрасатнал СМИ къаличлай гания къачивчусса. Чявусса журналистгьал бур га дъэвилулу уттигу чичинмуних луглай. 66 шиал мутталай циксса чивчухъунссар, циксса ккаккан бивхъунссар! Так гьарца ветераннал оьрмулул биография чичин ливчун бур...

автор:

Аьзиз Мичигишев

Махъсса ппурттуву СМилулу бур га дъэвилулу бусурманнал бивгъусса кланттуясса гьалгьарду гьарца хъуну. Хисав хъуну бур дъэвилулу чумал мизитру чяву хъанай бивкьшиву. Му бакъассагу 1943-ку шиал Совет хукуматрай Бусурманнал динналул Идарартту буллан бивкьлун бур: Ташкентлив, Щурагь, Бакуй. Бухаралив «Мир-Араб» тисса мадраса зий байбивхъуну бур. Шагьрурдай ва шярваллаву ттуршвахъул мизитру тивтлуну бур. Дуснакьиртгава чявусса аьлимтал итабавкъуну бивкьлун бур. Мукума, 1944-ку шиал бусурманнахъхъун хлажив гъансса ихтияргу дулуну диркьссар. Диндалин кьарши дуклай диркьсса хукуматрал дъэвилулу чумал бусурманнан вайсса бигъашивуртту циван дуллай бивкьсарив бивчингу захьматсса зад бакъар. Мьяжаннугу, захьматсса чунну дучайхтту Совет хукуматрал бакьчитал диндалул инсанталгу цала чулинмай клунку бансса ххуллурдах луглай бивкьссар. Бусурманнал цалла чувшиву ккаккан дурссар дъэвилулу цалчинми минутпирттайва байбивхъуну – Брестрайн душмантал ххявхсса чумал. Га шагьрулувусса гарнизоналувусса аьралуннава чявуми Кавказнавасса ва Азиянавасса бивкьссар. Цалла дъэвилулу мутталай захьматшивугу, ккюрхуну цала ватан дуручлай талатисса аьрал бивссар Берлиннаингу. Рейхстаграй ттугь бившуминнавасса ца ивкьссар бусурманчу Дагъустаннаясса Аьбдулхаким-хажжи Исмаилов.

Дъэвилулу бусурманнал хъунисса гьунарду буллай бунугу, аьлимтурал га дъэвилун Шариьтрал чулуха кьимат бившуну бивкьссар. Масала, 1942-ку шиал Сибирнал бусурманнал Динналул Идаралул бивкьссар фашистгьуран джигьад баян буну. Жунмагу къалайкьри ххушаву ласавриву гаксса хъунмасса хларачат бивсса буттахъул хъама битан, гайнная эьрат ласун аьркини, шиная цал ххушаврил кьинивагу дуьлулу цалла буттал ватан дуручлай га дъэвилулу ливтлусса цинявпагу бусурман дакьнин бивчуну. Цанчирча, марцисса нийятрай Аллагнахлуну ﷻ фашизмрашал талай ливтлумий хлакьсса шагьидтал хъанакьиссар.

Дагъусттаннал аьлимтурал совет

Май зурул 1-нний Махачкъалалив хъунни аьлимтурал заседание. Мажлисрай каялувшиву дуллай ия Муфтий Ахьмад-хажжи Аьбдуллаев. Ванал мажлис тивтлунни ва бавтлминнал хьхьичи заседаниелул суаллу бивхъунни: хлакьину бусурманнал хукуматиртгаву хъанакьимур, закатрал масьалартгалсса байсса отдел сакин баву, маслихатрал комитет сакин баву, Махачкъалалив нюзмар чаклил хьирив ахттайн чак баврил масьала, 2011-ку шиал хлажив хладур шаву, исламрал элмулул масала, имамтурал аттестация ва м.ц.

Бусурманнал хукуматиртгаву хлакьину хъанакьимунил хлакьираву махъ лавхъунни «Нурул-ислам» кказитрал хъунама редактор Мухаммад Хажиевлул: «Хлакьинусса



къини жунма члалачИмуниву цичлава махлатталсса бакъар. 1400 шиал хьхьичи Идавсил ﷻ жухъва бивсьссар укунсса ишру хъанантишиву» - увкунни ванал. Хлаживинсса хладуршинна цукун най дуссарив бивсунни муфтийнал хьиривчу Ахьмад-хажжи Мухаммадовул. Теологиялул институтрал ректор Макьсуд-хажжи Садикьовлул бивсунни Дагъусттаннай Исламрал образование цукун най дуссарив: «Жучлава бур исламрал университетру, теологиялул институту мадрасарду ва хлафизтал хладур байса школарду. Жучлава кунмасса элму лахъхьин даву чучлава Аьрасатнаву дакъассар», - увкунни Макьсуд-хажжинал. Нюзмар чаклил хьирив ахттайн чак баврил масала тивтлун бивсунни «Сафар» мизитрал имам МухаммадХанафи Хамзатовул. Исламрал ттарцтрая – закатрая бивсунни Хъун мизитрал имам Мухаммадрасул-хажжи Саьдуевул: «Хлакьину жунма аьркинссар мяйжаннугу мискиншиврущал лаян буюхъайсса зад закат бушиву ккаккан бан», – увкунни имамнал. Мажлисрал ахирданий Муфтийнал увкунни: «Жува ххассал хьунтиссару так Шариьтрал ххуллу бугъаврийну. Жува цачлун буллалиссару Аллагнал ﷻ луттирал – Кьурьанналул ва Мухаммад Идавсил ﷻ суннатрал. Жунма муданмагу аьркинссар Аллагнайн ﷻ шукру буллан Дагъусттаннай дакъаву душиврухлу. Гьарца дуьлулу Аллагнахъ ﷻ циняв бусурманнаву ва хаснува Дагъусттаннай дакъаву дуруччаву чла тлуттияра».

Аьлимчу бивтун увтунни

Май зурул 8-нний Хасавюртул райондалийсса Кокрек шярву 31 шинавусса аьлимчу Яхьга-хажжи Мухаммадов бивтун увтунни. Яхьга-хажжи увссар 1980-ку шиал Чарадиял райондалийсса Ритляб шярву. Ганал диндалул элмурду хъунисса аьлимтурачла лахълай ивкьссар. 2009-ку шиная айивхъуну га уссия цалла шярву мадраса буллай ва Асаб шярву Исламрал университетраву дуклай. Жува циняв ва дуняллия гьантиссару, хьхьичи ягу махъ. Яхьга Мухаммадов жуна дакьний ливчунни хлакьсса бусурманчуну, аьлимчуну, Кьурамухаммад-хажжи Рамазановлул мутааьлимну.



Ислам on-line

Уттигьанну www.islamdag.ru сайтрай байбивхъуссар нюзмар кьинисса вяьзарду, аьлимтурал дарсру ва цаймигу динналул мажлисру ккаккан баву.



Утти гьарца инсаннаца буюхъантиссару цала компьютерданул хьхьичи щяивкьлун мажлисраву гьуртту хъун. Ва иш хъунни сайтрай мюнпат ласайминнан хъинну хъуннасса бахшишну.

Цусса мизит



Уттигу ца ххарисса иш хъунни Дагъусттаннал бусурманнал оьрмулулу. Майрал 13-нний Махачкъалалив цусса мизит тивтлунни. Утти Махачкъалалия Новостройрал чулинмай нанисса ГАИлул пострал чларавгу чак бансса клану хъунни. Му бакъассагу, шиву нюзмар чакгу буллантиссар. Цусса мизитраву 2000 инсаннал чак бансса сант дур. Мизит тивтлавриву гьуртту

хъунни Дагъусттаннал Муфтий Ахьмад-хажжи Аьбдуллаев ва ганал набтал Хабиб-хажжи Маматханов ва Магьди-хажжи Мутаилов, Махачкъала шагьрулул имам Мухаммадрасул Саьдуев, Магьди-хажжи Аьбидов ва цаймигу аьлимтал. Ва махлалай ялапар хъанакьисса бусурманнан цачланма гъанну мизит баву хъуннасса ххаришивуну хъунни.

цусса хаварду лавсьсар www.islamdag.ru сайтрава

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Корректор

Курбанисмаил Амиров

Канонический редактор

Курамухаммад МАГОМЕДОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ №

Тираж 3. 500 экз.

Сдано в печать 18 мая 2011 г. в 16:00

Индекс 51388

Адрес редакции
367015, РД, г. Махачкала,
ул Азиза Алиева 2.
Тел.: (8722) 61-00-64.

По вопросам подписки и доставки обращаться по телефону:
по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;
www.assalam.ru

Бусурманнал васият

1 « 3«Цува заллусса хъус васият дан ччисса инсаннал кира хъхурагу васият къабувну гъан дан ихтияр дакъассар, гай хъус циксса чансса дунугу». Шикку «кира хъху» тисса мукъурттил мягнагу – бусурманчунан чанссарагу чун гъан дурну къахъинссар васият бакъа. Мухаммад Идавсил ﷺ увкусар: «Васият къабувма - хъунмасса цимилуца хъумари. Васиятгу буну ивкълуманал дуниял къадитлатиссар тлайласса ххуллий, суннатгу щаллу буну, Аллагна хъунигъа увсману, шагъидну ва бунагъирттаца марцину». Гъарца балугъравун ивсса инсаннан, адимина иклу ягу хъмитайпа биклу, хъинну агъамссар васият чичаву. Васият къабувну ивкълуманаша къямасса къини дучаннин гъалгъа тун къахъунтиссар. Васиятраву чйрусса хъус кичи лаган бурж бакъассар, масала : «Тул васият - кисса, ссят ва къапа. Тул хъус на ивкълукун ххуйсса иширан ишла дувара». Агана инсанача цичав дакъахурча, васият бангу аьркиншиву дакъассар. Васиятран къадитайсса хъус диклан аьркинссар хлалалсса, цува заллусса. Васият чичайманан клулу биклан аьркинссар цува сагъну унува бувсса садакъа, ивкълуну махъ ганал хъуслия бавчлунуняр хъинсса, даража лавайсса, чир хъунмасса бушиву. Шариатрал васият баву бучи буну бур муниву цанмагу, гъанмаччаминнангу хайр бунутий. Васиятрал залунансса хайр – ахиратравусса чир, гъанмаччаминнансса хайр – ганая махъ лирчисса хъуслил бутла биваву хъанхъиссар.

Инсаннал васият къабарча, ганал хъирив буржу личан най члалай бухурча, васият чара бакъа бан аьркинссар, къабувну къабитан ихтияр дакъассар. Яла хъинмур васият - хъус цала тлайланмасса варистал бакъасса гъанмаччаминнан къадитаву. Гъанминнавугу махрамтуран, хъирив члаххуран къадиртун хъинссар, гайннавуху иман дусса ва мискинсса бувчуну хъинссар. Хъуслил шанма бутлу ца бутлуар ххисшала васият дурну къахъинссар (хларамссар тисса аьлимталгума бур). Муниату шанма бутлу ца бутла васият буну хъинссар. Га васиятрал бутла хисав байссар га ивкълусса къини.

Шариатрайн буну тлайланмасса варисталну хъанхъиссар: Арс, арснал арс, бутта, буттал ппу, уссу, хъарбаксса уссу, уссил арс, хъарбаксса уссил арс, буттауссу, буттал хъарбаксса уссу, душ, арснал душ, нину, ниттил нину, буттал нину, ссу, хъарбаксса ссу. Васиятраву тлайлашиву дуручавугу суннатну хъанхъиссар. Васиятрал залунахъ дуссар ихтияр га щалва ягу ганил бутла ччимур члумал баххана бан ягу лиян бан (аннулировать). Гъарца бусурманчунан лайкъссар цинярда шартругу биттур дурну васият сакин буну битан. Къашавайманалли хъиннува анаварну щаллу бан аьркинссар, га бивкълулчан гъансса инсан унутий.

Чара бакъа бан аьркинсса васият

Васият баву фарзрайн клура баяйсса инсаннай Аллагу Таабланал ягу халкъуннал хъхъичисса буржу

бухурча. Аллагна хъхъичисса буржу, масала ганал кашу дунура хлаж къабувну бухурча, закят къабивчуну бухурча, чак къабуллай ивкълун ухурча ва м.ц. Халкъуннал хъхъичисса буржругу хъанхъиссар арцуйнуса ягу хъуслийнуса буржру, васият къабарча, зана къабивтун личлаврил нигъ дусса. Аьлиасхлалул ﷺ бувссса хладисраву увкуну бур: «Хъус дачиннин буржру лахъан аьркинссар», - куну. Ивкълуманал гъанминнангу аьркинссар ганал хъус дачиннин хъхъичи буржру лакъин. Цамур хладисраву увкуну бур: «Цайвасса буржру къалавхъун ивкълуманан Къямасса къини цалва хъинсса аьмаллайну лахъан багъантиссар».

Хларамсса васият

Шариатрал хларамну ккаккан дурмур васият дан хларамссар, мукунсса васияту къакъамулссар. Масала, васият дан къабучиссар чяхир, ягу цалва ярагъ Исламрайн къарши увкманан булун. Мукунма, цалва тлайланмасса варистуран цичав къакъадиртун сакин бувсса васиятгу хларамссар.

Хлалалсса васият

Жулла диндалин буну хлалалсса васият хъанхъиссар цалла хъус аьлимчув акъасса ва диндалу личисса хларачат къабайсса дустуран, ва авадансса инсантуран къадитаву. Аммарив, муниву гъаншиву, дусшиву цлакъ дансса, бусурманчувнал аьркиншиву щаллу дансса, бусурманчув ххари ансса нийят духурча, клай инсантуран васият даву суннатссар, мунихлу Аллагу Таабланая чиригу биклантиссар.

Карагъатсса (буну къахъинсса) васият

Цувагу мискинсса, тлайланмасса варисталгу чйвусса инсаннал васият баву къахъинссар. Чак къабайсса, зума къадугъайсса, Исламраву бумур биттур къабайсса, хлан хлачлайсса, цурк байсса, инсаннал васиятрайну хъус дуллунугу къахъинссар, гайннал гай хъус тлайла бакъасса, хларамсса иширттай харж дансса нигъ духурча. Гайннал хъус мйжанугу хларамсса кланайн харж даншиву клулу бухурча, гайннан васият дан ихтияр дакъассар, хларамссар.

Васиятрал шартругу

Васиятраву буссар мукъва фаризасса бутла:

- Васият бумва клулу иклаву;
- Васият щин бувссарив клулу биклаву;
- Васият дурсса хъус;
- Цуппа васият, яъни, васият байманал увкусса ягу чивчусса махъру (сигъа).

Цалчинмур шартI:

Васият сакин байма иклан аьркинссар аькълуллу сагъсса ва балугъравун ивсса. Бакърава увксса, сакъатсса, бакърал аххана хъусса ягу балугъравун къаивсса инсаннал бувсса васият хисав бакъассар. Чапурсса адиминал ягу хъамитайпалул бувсса васиятгу Шариатрал къамул къабайссар.

Килчинмур шартI:

Цан васият бувсса инсанталгу клива журусса биклайссар. Цалчинмур журалувун буххайссар хасну, ца кичи ларгун васият бувсса инсантал. Мукунминнан васият баншиврул биттур дан аьркинсса шартругу дуссар:

1. Га иклан аьркинссар цанна дуллусса хъуслил заллушиву дан бюхъайсса. Масала, ивкълуманан васият къабайссар, ганаша хъуслил заллушиву дан къашайнутий. Амма бучиссар хъхъичива ивкълусса инсаннал рухлайра цидунугу чир бусса даву дувара куну, масала хъхъичива ивкълусса инсаннахлу хлаж бан-

вун багъайссар диндалул элмурду лахълахъисса ва цайминнан лахъхъин дуллалисса аьлимтал ва мутааьлимтал.

- Мискинтал. Миски-гъаривнан васият дурсса хъус ягу арцу гайннай дачлайссар. Шан дарчлуну, шама мискиннан дулурча гъассар.
- Мухаммад Идавсил ﷺ тухумраяминнан. Агана Идавсил ﷺ тухумраяминнан васият дурну духурча, гай дачин аьркинссар Гъашимлул ягу Абдулмулгаллибул наслулияминнан. Шиккугу шама инсаннан дулаву гъассар.



Къашавайманал хъиннува анаварну васият щаллу бан аьркинссар.

шиврул васият бан. Амма ниттил лякълувусса ттигу къавусса оьрчан васиятрайну хъус къадитан ихтияр дуссар «агана га сагъну лякълува уккарча», увкуну.

2. Васият бан аьркинссар хасну, ца кичи ларгун. Масъала «вай киннавату цания цанна дулара» куну васият бан къабучиссар.

3. Мукунна, шартлуну хъанхъиссар васият щин буллау урив, га сагъну иклаву, масъала, уттигу ниттил лякълувувагу акъасса оьрчан васият бан къабучиссар.

Дуссар ихтияр васият инсаннан къабувну, мизитран, мадрасалун, щин дучин, ламу бан, ххуллу бан, ва м.ц ххуйсса давуртгайн дулун. Васиятрал зулуннал «хасну ва мизитран булара» куну ккаккан буну бухурча, кичи лавгсса мизитран бакъа, цамур мизитран ягу мадрасалун булун ихтияр дакъассар. Килчинмур журалувун багъайссар щин-бунугу хас къабувну, цумур-бунугу аьмсса иширайн васият даву. Масала, мискинминнан, мизитиртан, мадрасардан, аьлимтуран, мутааьлимтуран дулара увкусса васият. Мукунсса аьмсса васият щаллуссанну хисав хъуншиврулгу дуссар ца шартI: хларамсса ягу карагъатсса клантурдайн тлайла дувара тисса васият чичин къабучиссар, мукунсса васият барчагума, га биттур къабайссар. Хъус аьмну васият дан бучиссар личи-личиса журадай:

- Ислам гъаз дан. Мукунсса члумал васият дурса арцу дулайссар закят ласайминнавун багъайсса Исламрал ххуллий зузиминнан;
- Диндалул аьлимтуран. Ва журалу-

- Васият бумманал гъанмаччаминнан. Мукун васият дурсса хъус дачлайссар ивкълуманал бутгал ва ниттил чулухасса гъанминнай, тлайланмасса варистал къахисавну;
- Хлаж ягу оьбра бан. Бучиссар хлаж ягу оьбра бан ччисса инсаннан дулара куну васият бан. Тгухлу хлаж бувару куну васият бангу ихтияр дуссар;

Шамилчинмур шартI: Васият дурсса хъус

Васиятран къадитайсса хъуслил кира шартI дуссар:

- Хъус диклан аьркинссар ишла дан бучисса ва мюнпат ласун шайсса. Ишла дан хларамсса зад васият дан къабучиссар, масъала аьракъи, хлан, хларамсса музыкалул ярагъру;
- Васият дурсса хъус диклан аьркинссар цаннал канища цаманал канихъун дулун шайсса. Масала, цува ивкълукун, цахлува къисас, интикъам ласун васият бан къабучиссар. Циксса дуссарив мйжанну къакълулсса хъус васият дан ихтияр дуссар, масала, ятгийсса ппал, оьлил къалувусса накI ва м.ц. Бучиссар васият дан уттигу канихъ дакъасса хъус, масала, мурхъирдай ххяхъантисса ахълусса, оьлил бантисса бярч.
- Мукунма, бучиссар балжину кичи къаларг-сса хъус васият дан, масала, тул лаххиялува ца зад дулара, куну. Цурда хъус къадуллуну, гания мюнпат ласаву васият бангу бучиссар, масала, цалва къатлуву яхъанан итан, цалва машиналий къай духхин ва м.ц. Нажасран ккаллисса зад васият дангу бучиссар гания хайр ласун шайсса бухурча, масала, авлий буцайсса ккаччи, бя, укусс дайсса чяхир.

(гхунмайгу буссар)

Бучиссарив Къуръан таржума бан?

ЦУКУНССА ИКИАН АЪРКИНССАР КЪУРЪАН ТАРЖУМА БАЙМА?

Къуръан таржума баврил, ганил мяъна дурчѳин даврил шартѳиртгата буслай байбишиннин учин аъркинни, тѳайланма, бувчѳин къабувну таржума буллан ихтияр дакъашиву, цанчирча, га Аллагъу Тааъланал калам бунутѳий. Дуняяллийсса циняв халкъ батѳирчагума, Къуръанналуха лавхъхъусса, ганил ца суралушал аърхѳал баѳансса сура ляхъан бан къабюхъантѳиссар.

Аллагъу Тааъланал увкуну бур (мяъна): «Мухаммад Идавсичан ﷺ гъан бувсса Къуръанналул тѳайлашиврий цацк тѳий бухъурча, цавагу сура ккаккан бувара, цил пасихѳиву, насихѳатру, ганиха лавхъхъусса...» (сура Аль-Бакъара, аят 23). Къуръанналул аламатну хъанахъиссар гивусса аятѳиртгал кѳира, шанна, аѳѳра куннин ку къарши дакъасса мяъна дикѳан бюхъайшиву. Му бакъассагу, Къуръанналуву буссар чѳярусса мяънарду дулайсса махъру ишла бувну. Буссар Идавсил ﷺ хѳадисиртгал бувчѳин бувсса аятру, гай хѳадисру хѳисавравун къаласурча, тѳайла дакъасса мяъналий бувчѳин бюхъайсса. Къуръанналуву буссар чѳявусса аятру халкъуннал оърмулиясса, багъу-бизулиясса, суаллайн жавабру кунма гъан бувсса, чѳярусса элмурдая бусласисса, къануннаясса, тѳабиаътраясса, тарих-раясса, имандалиясса, Исламраясса,

Аллагънал ﷻ бюхтѳулсса сифатиртгата-ясса, ва цаймигу чѳявусса масъалартту ххал бигълагъисса. Вай циняр элмурду аьлимчунал дурчѳин къадарча, цуксса ххуйну аъраб маз кѳулхъурчагу, аятрал мяйжансса куртѳисса мяъна дурчѳин къабюхъайссар. Хѳакъину жучѳава бусса Къуръанналул таржумарттурив, так тѳайланма аъраб мазрая махъ мукъуй бивхъуну бувсса бур. Къуръан так таѳсирдайхъѳин бакъа бувчѳин бан къабучѳиссар, цупппагу цапарасса шартѳирту биттѳур дурну. Гай



шартѳирдава царагу ляхъ личѳан дурну Къуръан таржума байма цувагу аьйкъуну гаймигу бѳайкъин буллагимари. Таѳсир сакин байманал шартѳру хъанхъиссар:

- Камилну аъраб маз ва ганил семантика, грамматика кѳулну дикѳаву. Аъраб мазраву ца чѳирисса аьш (хѳарака) даххана хъурчагума, мукъул цамур мяъна дулайссар.
- Элму сарф (морфология, склонение) кѳулну дикѳаву. Гъарца мукъул аслу-гъану, сакин шаврил низам кѳулну дикѳаву.
- Элмуль-иштикъакъ (этимология) кѳулну дикѳаву.
- Элмуль-балагъат (риторика) кѳулну дикѳаву.
- Элмуль-баян (стилистика).

- Аятру ликкан баврил сававру, чѳунну;
- Насих-мансух (ца аятрал хѳукму баххана буллагимари цамур аят);
- Аятѳиртгал мяъна дурчѳин дуллагимари хѳадисру кѳулну бикѳан аъркинссар;
- Къуръанналул таѳсир байманаву дикѳан аъркинссар «элму ладунни» - Исламрал ххуллу марѳѳуну бугъаву сававну Аллагънал ﷻ ганан тѳиртѳусса элму. Абу Нуаьймлул бувсѳсса хѳадисраву увкуну бур: «Цанна кѳулсса элму-лийну аьмал байманан Аллагъу Тааъланал ганан къакѳулмургу тѳилитѳитѳиссар».

Хѳакъинусса кѳини бусса Къуръанналул таржумартту бувминнаву урив цаьгу кѳай ялув кѳицѳи ларгсса шартѳру биттѳур дурсса? Му бакъассагу, Къуръан таржума бан ччиманан аъраб маз бакъа, цалва мазгу камилну, щаллуну кѳулну бикѳан аъркинссар. Къуръан таржума байма икѳан аъркинссар ца шатѳирал ти-шинай къавхъуну Исламрал ххуллу бувгъусса, Аллагъная ﷻ нигъа увсѳсса. Занная ﷻ нигъ дакъасса таржумачинал бюхъайсар цанма ххуй бивсѳсса куцѳуй чичин. Джалалуддин Суьтѳи «Аль иткан ѳи эьми Къуръан», Сайид Алави «Аль Къавидуль асасият ѳи оьлумиль Къуръан», Мухаммад Зубайди «Итхѳаф», Сайид Рамазан аль-Бути «Мин равашиль Къуръан», Нуруддин Итѳр «Оьлумуль Къуръаниль Карим».

- Къуръан буккаврил арулвагу къяйда (къираат).
- Бусурманнал аькъидалул аслурду.
- Исламрал юриспруденция (фикъгъ, усул).

БУККУЛТРАЛ ЧАГЪАРДАВА

Га къини чаннаса дия!

Апрель зурул 30-нний Чиркейлив дунни хъунасса шейх Саид-афандиначѳа (къ.с.) мавлуд. Гъарца шинал Саид-Афандинал дувай цала шяраву мавлуд. Гъарца шинал ялу-ялун чѳявусса бусурман бучѳай гай мавлудиртѳай. Гъашинугу дукѳунияргу чѳявусса халкъ бавтѳун бия.

автор:
Къурбанисмаил Амиров

Тгула пикрилий тѳарикъат къадиркѳиссания къадикѳанссия Дагъусттаннай укун хъхъичѳуннайну дин ва къабикѳанссия вайксса чѳявусса ххуйсса инсантал. Вайксса халкъ цаѳѳун батѳаву, циняв ца кулпат кунма цуксса ххуйри! Мяйжаннугу Чиркей хъинну барачатѳсса кѳану бур. Тгул пикрилий гъарца шинал укун мавлудиртѳайн, мажлисиртгата батѳарча, Дагъусттаннай ххуйсса инсантал ялу-ялун чѳяву хъунссар. Га къини ттун хъуннасса байран дия. Тгул дакѳиву ляличѳисса ххариву дия. Хъинну дакѳи ххарину дия гайксса инсантал цаѳѳун батѳаву, гайксса чѳявусса халкъ дустал шаву. Ссан аъркинссар артистурахъ вичѳи дихълан, укун ххаллиссса мавлудру дуллан хъанай бунува! Цири дусса ва дуняяллий Къуръан буккавунияр ва мавлудрал чѳунияр ххуйсса чѳу бусса. Аллагънал ﷻ инсаннан дуняяллий дуллусса яла хъуннамур неъмаг-хъус дур дакѳи ххуйшиву ва аьмаллу ххуйсса бушиву. Гъарца инсан на Аллагънал ﷻ цѳаний ххуйсса инсан хъун чѳай ура ва дуняял ва дуняяллий халкъ цукунсса бунугу тѳий ухъурча, му бур мунал талихѳи. Тгул пикрилий, гъарца инсаннал дакѳиву бухъунссар ххазина – иман. Иман – яла лахъми шачѳантѳайн иян уллагимари хъатѳирду дур, талихѳрал кѳула дур. Укунсса пикриду ва хияллу ашкара хъуна ттуву га Чиркейливсса мавлудрай. Тгула дус Жамал-

дугтиннул жу махъунмай зана хъуну нанисса чѳумал увкуну: «Хѳакъину на ва мавлудрайн къаувкѳиссания, ттул бачѳи оьрму зия хъунссия», - куну. Ттун чѳалачѳисса куцѳуй, мавлудрайн батѳаву дур гъарца ххуйшиврул дайдихъу, жува цаѳѳун шаву, куннан-ку ххира шаву. Ци дуссар ва дуняяллий дусшивунияр хѳакъину жунна аъркинсса! Я Аллагъ дусшиву цацкъ хъуннав, жула шайх Саид-Афандигу цѳуллу аннав, оьрму лахъи баннав.



Ина ура жул шайх, Саид-Афанди,
Ина цаѳѳун бунни циняв миллатру
Тутѳайхъ дичин дунни ина дусшиву!
Тутѳайхъ бичин бунни ина Дагъусттан!

Зурул чанинияр вил лажин ххуйри,
Вил гъарца мукъуву дур хѳикматшиву,
Ина дустал бунни циняв миллатру,
Я Аллагъ вил барачат жуйнгу бияннав!
Амин!

Дуаьлул ххирашиву

Заннал ﷻ балардая бару шай дуаь
Дуаь къамул дурну ххассал бай уммат
Чѳявуну лабизи ххирасса Заннайн ﷻ
Дуаьлийхъѳин ххассал бувара куну.

Жула ялун нани кѳул бакъа бала
Дуаь савав хъуну архъ бувайссари,
Динналул дяниву хъусса гъалатѳру
Дуаьлуву Заннахъ ﷻ багъишла чира.

Нюжмар къини кѳюрххил акбарданул хъхъичѳи
Чаклингу бивссуну дуркѳусса дуаь
Жаваб къадуллуну къа къадитайссар
Къамулгу дувайссар ххирасса Заннал ﷻ.

Аллагънал ﷻ хъхъичѳи жува никиртѳайн багъну
Бунагъиртѳаяту дакѳру къуману
Дакѳнихъгуну Заннахъ ﷻ къамул дува тѳий
Нигъал ва хъулданул дянив бикѳира.

Кѳул бакъа баларду яла гъан буван
Заннал ﷻ хъхъичѳи лабизи дуаьртту ккалай,
Ссят тѳайла дарѳѳуну ххирасса Заннал
Жула дуаьлухъхъун жаваб дулайссар.

Бусурманнал уммат азурда буллай
Залимтураяту баларду ккаклай
Ахир заманалул чѳун гъан хъанай дур,
Имам Магъди уккай чѳун дучѳавай дур.

Ахир заманалул захѳимат питнарду
Байшун ба учира Дагъусттанная,
Лагма дяъвирдахъхъун ларг хѳукматру
Ххассал да учира залимтурая.

Къурбантѳимат

МакI ккаккаврил адабру

Аллагу Тааьланал идавшиву кьуртал хьуну, вахлий ликкаву кьуртал хьуну махъ дуни-яллийсса инсантуран цалва чулухату ххариву бусайсса зад – макIри. Муьминсса, салихIсса Заннал лагънан ккарксса тIайласса, дурусъсса макI, вахлийдул кIанттай дацIайссар. Мукун ккарксса макI идавшиврул муьцIаллий ряхва бутIул ца бутIар. Инсаннал чурххаву кIира рухI дикIайссар. Ца ивчIайний дуккайссар, ца шанан ивкIукун дуккайссар. ИвкIукун дурккумурдив кIура даяву дакъассар Къияматсса кьини изан аннин. Шанан ивкIукун дуккаймур рухI дурккун лагайссар макIрал ялув ацIан увсса малаикнашчал, цуппа ссавруннай буна чани нур духччинийн багъайсса бургъил масалларай. Мукунма, чурх дуняллий буна мунил рухI, му малаикнашчал ЛавхIул МахIфузрайн дуркIун, Жанабил Къудусрайн дурургун, мунал цалва, оьрчIалсса, агьулданулсса, хьуслилсса, гьарца цалва дакIнил шугьтурдалсса, иширтталсса, амрурдальса, бучIанмур, хьунмур, хьуна бакьинмур суратру, масалту, аьхIваллу ккаккайссар. Яла чантI увкуну му рухI чурххавун кIура дарукун, га цинма ккаккмур дакIнин багъайссар, янин ккакксса кунма. ХIатта муьминчув марцIну чаклийнгу ивссуну, циняв утту ишаврил адабругу дурургчуну утту ивхьукун, мунал рухI аруллагу ссаврил ялун лархьун, аьрщрал лув Аллагъу Тааьланал хьхьичI дарцIуну сужда байссар, ххарину махьуннай кIурагу даяйссар. Му чIумал ккарксса макIгу ххуйсса, салихIсса, тIайласса, Ал-



лагънал ^ﷻ чулухатусса дикIайссар. Утти, му макIгу муькьра куцIуй ккаккайссар. Ца цилла дучIантIисса куцIуй ккаккайссар, личIаннарагу аьркин дакъассар. Ибрагъим ^ﷺ идавсин цала арс Исмаил ^ﷺ ккаккайсса куна, яла га кьурбан уллай ивкIсса. Цагу чан къансса личIаврин хIажат шайсса макIри, Юсуп ^ﷺ идавсин баргъ, барз, цIуртти цайнма суждалиин багъну ккакксса кунма, цалва нину-ппу уссурвал цайнма суждалиин багъаврийну лирчIусса. КIай кIирагу идавстуран дакъа кьаккаккайссар. Цагу цалла личIин аьркин шайсса макIри, Юсуп идавсил ^ﷺ паччахIнан ккарксса макI кунна, арулва илтIасса оьлил, арулва бучсса оьл канай ккакккун. Яла Юсуп идавсил ^ﷺ му лирчIуссар арулла шиная каши

багъансар, куну. Мури муьминчунангу, чапур-чунангу ккаккайсса макIри. Цагу – личIаннарагу аьркин дакъасса шьайтIаннул макIри. Чапалну, аьсивну, баччи бакъасса хияллашчал оьккисса, аьсивсса пикрирдашчал, вагьмурдашчал, мий дакIнийну утту ивхьусса чIумал ккарксса макI куннасса. Инсаннан чIаруну цалва тадбир, пикри буллалимунияту, цалва пиша-сунгъатратур ккаккайсса. Масала, шарсса дакIнийну утту ивхьума шьайтIаннул ххихху итайсса куна. Утти, му ккарксса макIгу хьинсса, салихIсса духьурча, ччяни къадучIайссар, дучIаннин ххарину, тирх тIий икIаншиврул. Оьсса духьурча, ччяни дучIайссар, буруккинттарай къаикIан. Цанна ккарксса макIгу ххуйсса цува рязий хьунсса духьурча, Аллагънаха ^ﷻ санаь-щукругу бувну, цана ччисса аькьлу бусса, хIалимсса адиминахъ бувсун, личIин дайссар. Оьккисса, нигъ дусса макI духьурча, щихьчIаввагу къабусансар, ккаккайхту шамийIва куямур чулухунмай пув-пувгу увкуну, шьайтIаннуу ххассалшивугу чIа куну тамур чулухуннай кIура авну утту ишинсар, ягу изансар. МакI личIайналгу хьинмунийну дакъа къаличIинсар. ЧIарумур лирчIусса куцIуй тIайла дацIайссар. Хьамитайпалухьгу, дукьарккусса жагъилнахьгу, цува къаччисса цама оьсса инсаннахьгу бусавугу къахьинсар, миннал пикрибакьулшиву дурну оьмунийну къаличIин.

«НасихIатуль-авьам» («ГьунчIукъатIан»)

СУФИЙТУРАЛ БУСАЛАРДУ

Аькьлукар ва чIиви оьрчI

Ца чIумал Византиянал паччахIнал цала аькьлукар гьан увну ур Багъдадлив бусурманнахьхьун шанма суал булуншиврул. Шагьрулийн ивукун, аькьлукарнал халифнан баян бувну бур цува хьунасса паччахIнал гьан увсса инсан ушиву. ХалифначIан уххайтту ганал бувсун бур дацIава бусурманнал аьлимтурахьхьун булунсса шанма суал бушиву. Халифнал циняв Багъдадливсса аьлимтал батIин бувну бур ганал суаллахьхьун жаваб дулун хьуншиврул. Византиянал аькьлукар лахъсса кIанайнгу лавхьун, увкуну бур: «На зучIан увкIра дахъва шанма суал булуншиврул: «Аллагънаяр ^ﷻ хьхьичI ци диркIссар?» «Аллагъ ^ﷻ цумур чулухуннай уруглай уссар?» «Цана Аллагъ ^ﷻ ци дуллай уссар?»»



Гай суаллу бавукун, гиккун бавтIсса аьлимтал гьанавиххи хьуну, учинмур бакъа ливчIун бур, цанчирча, гукунсса суаллу булаву шалагу Исламрал динналул аслулийн къаршисса бунутIий. Му чIумал чIивисса оьрчIал чIу бавну бур: «БучIиссарив ттун вай суаллахьхьун жавабру дулун», - тIисса. Га ивкIун ур цала бутташчал увкIсса оьрчI. Халифная ихтияр ласайхтту, Византиянава увкIма оьрчIахьхьун цалва суаллу буллай айивхьун ур: «Аллагънаяр ^ﷻ хьхьичI ци диркIссар?» - цIувххуну бур ганал.

«Вища ацIуннийн бияннин буккин шай-рив?» - куну, суаллаллийну жаваб дулуну дур оьрчIал. «Шай, циванни къахьун!» - махIаттал хьуну ур аькьлукар. «Туну буки махъахьхьичIунмай, ацIунния айивхьуну», - куну бур оьрчIал. «АцIва, урчIва, мьяйва...», тIий калан ивкIун ур аькьлукар, яла «...кIива, ца», - куну авцIуну ур. «Ина циван авцIура, гихунмайгу букки», - увкуну бур оьрчIал. «Утти кьурталссар, гихунмай буккин къашайссар», - куну бур аькьлукарнал. «Га «ца» увкусса цифралуяр хьхьичIума цичIав дакъасса, Аллагъу Тааьланаяр хьхьичI ци дикIан бюхъайссар?!», - куну бур оьрчIал. Аькьлукар учинмур бакъа ливчIун, цалва кIилчинмур суал булуну бур: «Буси туну тухъ Аллагъ ^ﷻ цумур чулухуннай уругун уссар?» - куну. «Ина чирахъ лахъарча, ганил чани цумур чулухунмай буругантIиссар?» - цIувххуну бур оьрчIал. «Чирахърал чани гьарца чулинмай бурувгун бикIайссар, ца чулухун къабургайссар» - увкуну бур аькьлукарнал. «Ина чирахърал чани цумур чулинмай бурувгун буссарив бусан бюхълай аьара, Аллагъу Тааьла чун уругун уссарив на вихъ цукун бусави!» - жаваб дулун дур оьрчIал. Византиянал аькьлукар вих хьун къахъанай ивкIун ур: цукунни га чIивисса оьрчIаву гаксса аькьлу бусса тIий. Ганал шалва умуд бивкIун бур цалва шамулчинмур суалланин: «Буси тухъ цIана Аллагъ ^ﷻ ци дуллай уссарив?», - куну. ОьрчIал янил ляпI учинуксса пикривагу къабувну, гацIана жаваб дулуну дур: «ЦIана Аллагънал ^ﷻ ва мажлисраву дин къюкьала дан ччисса инсан цува къюкьин увну къаивтунни», - куну. Махъ бакъа ливчIсса аькьлукарнал бакIгу хьхьичIун дуртун цала паччахIначIан зана хьун багъну бур. Га оьрчI хьуна хьувкун, ганая гужсса аьлимчу хьуну ур. ОьрчIан цIагу диркIун дур Абу ХIанифа – хьунасса аьлимчу ва мазгьабрал имам.

Лелуххантрал баян

Ажартту, аьнакIив ичIува ябаву хьинсар, барачат-ссар. Мискин-пакьирнал ятту – аьнакIив, ажарттур. Хаснува ажарттул фазилартту чIаруссар. Муниву идавтурал тIуллаятусса чIарусса тIуллу дуссар: Аллагъ ^ﷻ кIицI лагаву чIаруссар, яру шанайнугу, дакI шанай къадикIайссар, чувшиву



дуссар, сахаватлушиву дуссар, къаракул цIакъссар, залуннал къайрал къаралчире, чIаххурал къаралчире, чIу ххуйссар. Ми тIуллу муниятту муьминчунан лахъхьингума лайкъссар. Ажарттун чаклил чIун хьушивугу кIул шайссар. Адам ^ﷺ Алжаннава лухччинийн ливксса чIумал мунал эбадат дайсса чIун къакулуну диркIссар. Яла Аллагънал ^ﷻ ссавруннайту ца ажари ликкан бувссар Адам-лун ^ﷺ, муниятту мунал чак байсса, эбадат дайсса чIун кIул хьуншиврул. Мунигун ссавруннайсса малаиктурал тасбихI, эбадатрал чIу баллай бивкIссар. Му чIумал га ажарттул оьз куну тасбихI дайсса дикIссар. Мунил дурукун Адамлул ^ﷺ цалла дайсса эбадат дуллай ивкIссар. Ялагу Аллагъу Тааьланал ца ажари ляхъан бувну буссар куну бур Аьрщирал лув, кIира хьагу дусса ца машрикьрайн, ца магърибрайн дирсса.

Хьхьунил ахир гьан хьувкун, му ажарттул гьарца хьхьуну кIюрххицIун хьаттирдугу риршуну «субхIанал маликил къуддус» куну оьз куну тасбихI дайссар. Му чIумал лухччинийсса ажартгал мунихьхьун жавабран хьаттирдугу риршуну оьз учайссар. Мунил оьзлул мяьнагу – Аллагъ ^ﷻ кIицI лаги-яра тIиссар. Муниятур ажарттуйн оь махъ учаву, рищаву къахьинсса. Ажарттавагу кIяламур хьинсар. Му бусса кIангайн шьайтIан гьан къашайссар, ссихIирчи гьан къашайссар, зарал байсса шатта, кIулу, къюршалу, хIашаратру гьан къашайссар. Ажари Идавсил дусри, иблислул душманни. Иблислун ажарттуяр къаччисса лелуххи бакъассар. Расулулагънал ^ﷺ му цува усса къатлувугума битайва тIар, хIатта инсаннан мунил ххирашиву кулссания арцу-му-сийх ласланссия. Мукунма ичIува, къатраву хьхьире битавугу хьинсар. Гьарца идавсил къатта мий бакъасса къавхьуссар, миннул чаклийн чантI учин айссар, цIуцIаврия уруччайссар.



Мий бакъасса къатравусса оьрчIашчал шьайтIантрал махсартту буллан бикIайссар. Хьхьире бухьурча миннул оьрчIру цивпа къабитайссар. «НасихIатуль-авьам» («ГьунчIукъатIан»)

Благотворительный хадж

ПОЛОЖЕНИЕ ОБ ОРГАНИЗАЦИИ БЛАГОТВОРИТЕЛЬНОГО ХАДЖА 2011 Г., СПОНСИРУЕМОГО С.А. КЕРИМОВЫМ

Одним из пяти обязательных столпов Ислама является хадж (паломничество в Мекку). Совершение хаджа возложено на мусульман при наличии физической и материальной возможности.

Хвала Аллаху, мусульмане, которые не могли в силу своей материальной необеспеченности совершить хадж, получили возможность для исполнения этого столпа.

1. Подбор паломников осуществляется Советом района (села) (в него входят имам района (села), гл. администрации и представитель общественности), строго путём жеребьёвки.

2. Паломник должен быть несостоятельным для совершения хаджа за собственные средства.

3. Рекомендуемый возраст паломника: от 30 до 65 лет.

4. Совершение хаджа в первый раз.

5. Все паломники до отправки в хадж должны пройти курсы подготовки к хаджу и должны быть обеспечены соответствующими справочно-информационными материалами.

6. В случае отказа победителя жеребьёвки путёвка распределяется решением оргкомитета благотворительного хаджа 2011 года.

7. Жеребьёвка будет проводиться с 15 мая по 15 июня 2011 г.

8. Срок приёма паспортов: с 15 июня до 15 августа 2011 г.

9. По всем вопросам обращаться по адресу: г. Махачкала, ул. Дахадаева, 136, ООО «Марва-Тур».

Тел.: 8 988 207 00 09. Тел./факс: 8 (8722) 56 66 63.

Лакскому району выделено 12 мест, Кулинскому району 10 мест, Новолакскому району 22 места. Участвовать в жеребьёвке разрешается только по месту прописки.

Чаклин къаивссуну бан къабучИмур цир?

Чаклин къаивссуну инсаннан хIарамссар чак бан, тIаваф дан. КъабучИссар Къуръанналул лу лавсун ачин, ганил чIапIуйн, га бивхъусса чантайлин, къуршуйн, мужаллатрайн ка лаян. Мукумма, хIарамссар дарс хIисаврай Къуръанналувасса аятру чивчусса чIапIуйн ка лаявугу. Балугъравун къаивсса, Къуръан буккин лахълахъисса оърчIан бучИссар чаклин къаивссуну Къуръан лавсун ачин ва ганийн ка лаян. (Мукъадиматуль-хIазрамия).

25000 къуруш харж ласайсса инсаннал закат цукун хIисав бан аьркинссар?

Имам Шафиънал мазгъабрайн буну, чагъаруннил арцуину харж ласлай зузисса инсаннай закат ялув бакъассар.

На маша буллалисса чIумал на цинцилттай халкъ хъаврин бувссия. Га бунагърая марци цукун хъун шайсар?

Шуаьиб идавсил и заманнай Аллагу Тааьлалан шаллусса миллат аьрщарая бухлаган бувссар, гайннал цинцилттай карчIаншиву дайсса диркIунтIий. Мунияту, хъхъичIра-хъхъичI тавба дан аьркинссар, хъаврин увманал хIакъгу лавхъун, Аллагънахъ ялтту учIаву чIа увкуну. Хъаврин увсса инсан лякъин бюхълай бакъахъурча, гай арцу ганал цIанияту садакьалун дулайссар. (МахIалли).

ТгучIа дур дарцусса хъус, тгун кIулли вай хIарамсса душиву. На вайннун ци бан аьркинссар?

Вин аьркинссар ми хъус дарцусса кIанайн занату дурну, хъуслил заллукрунахъ багъишла итаву чIа учин. Заллукхъру ва дуняллия лавгун лякъирча, гайннал орчIахъхъун зану дайссар. Заллукхъру лякъин бюхълай бакъахъурча, гайннал цIания ххуйсса чулиннай харж дан аьркинссар, масала, ламу, мизит, ххуллу бан.

Анализ дан оьгту булурча чаклин иссаву зия шайсарив?

Оьгту булаврийну чаклин иссаву зия къашайссар.

БучИссарив спирт дусса аьтри ишла дуллан?

БучИссар.

Хадж-2011

ПОЛОЖЕНИЕ ОБ ОРГАНИЗАЦИИ ПЛАТНОГО ХАДЖА-2011 В РД

В связи с нехваткой мест всем желающим совершить Хадж из Дагестана, Хадж-компанией разработана следующая система распределения квот:

1. Подбор паломников осуществляет имам местной мечети (города, района, села) совместно с главой администрации и представителями общественности. Имам мечети на пятничной молитве объявляет информацию о положении распределения мест на Хадж 2011 г.

2. Имам мечети принимает заявки от всех желающих совершить Хадж в первый раз (жителей прописанных в данном населенном пункте). Если количество желающих превысит выделенную квоту, то проводится публичная открытая жеребьевка.

3. Имам мечети объявляет списки паломников попавших в список на пятничной молитве и передает информацию в местные СМИ. Информацию и списки имам направляет в Хадж-компанию с протоколом, со своей подписью и печатью в назначенный срок. В случае неявки или опоздания паломников представить документы в Хадж-компанию в назначенный срок, Хадж-компания имеет право включить в список других паломников из очередного списка.

4. Все паломники до отправки в Хадж должны пройти курсы подготовки к Хаджу и должны быть обеспечены соответствующими материалами.

5. Телефоны для справок: 64-30-52, 56-56-60, 56-56-61, 56-56-63, 56-56-64.

Примечание: Квоты распределяются между районами соответственно численности населения. Таким образом, Лакскому району выделено 12 мест, Кулинскому району 10 мест, Новолакскому району 22 места. В случае если в районе не набирается количество паломников соответственно выделенным местам, Хадж компания имеет право распределить их между другими районами.

ХIаж бан каши дусса хъамитайпун лас ихтияр дуллай акъахъурча ци бан аьркинссар?

Фаризасса, цалчинсса хIаж баншиврул ласная ихтияр ласаву суннатссар. Мунияту, ласная ихтияр дакъанугу, хъхъичIва къалавгсса хъамитайпалун бучИссар хIажлив гъан. Амма ласнахъ дуссар ихтияр цалла щарссанил хIаж баву ялунчIилнин махъун бутан, ялунчIил каши духла-гаврил нигъ дакъахъурча. (Мугъниль-МухIтаж).

Рузнама

Июнь

Йигъ	Гъиринд. Ас-Субгъ.	Ригъ гъудуб.	Лисундин Аз-зугър	Гъаркван. Аль-аьср	Лавлан. Аль-Магъриб	ХъитIирхв. Аль-ГIишаъ
1	3:02	5:10	12:53	16:55	20:26	22:16
2	3:01	5:10	12:54	16:55	20:27	22:17
4	2:59	5:09	12:54	16:56	20:28	22:19
6	2:57	5:08	12:54	16:56	20:29	22:21
8	2:56	5:08	12:55	16:57	20:31	22:23
10	2:55	5:07	12:55	16:58	20:32	22:25
12	2:54	5:07	12:55	16:58	20:33	22:26
14	2:53	5:07	12:56	16:59	20:34	22:28
16	2:53	5:07	12:56	16:59	20:35	22:29
18	2:53	5:07	12:57	17:00	20:35	22:30
20	2:53	5:07	12:57	17:00	20:36	22:30
22	2:53	5:08	12:58	17:01	20:36	22:31
24	2:54	5:08	12:58	17:01	20:37	22:31
26	2:55	5:09	12:58	17:01	20:37	22:31
28	2:57	5:10	12:59	17:02	20:37	22:30
30	2:58	5:11	12:59	17:02	20:36	22:30

ХХИРАССА УССУРВАЛ ВА СУРВАЛ!

НАЙ ДУССАР 2011-КУ ШИНАЙССА "АС-САЛАМ" ККАЗИТРАЛ ПОДПИСКА.

ККАЗИТ ЧИЧИН ХЪУНТИССАР ЧЧИМУР ПОЧТАЛИЙ, ВА МУКУММА ГЪАРЦА РАЙОННАЙССА ЖУЛ ВАКИЛУРАЙХЧИИН. ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 211 КЪУРУШ, ОЪРУС МАЗРАЙССА ККАЗИТРАЛ – 463 КЪУРУШ.

ДАКИ ДАРЦИУНУ БУРУ, ЖУЛА ХХИРАССА БУККУЛТ, ККАЗИТ БАКЪА КЪАЛИЧИАНССАР ТИЙ. МУНИЩАЛ ЗУЛ ДАКИУРДИВУН ДУХХАНТИССАР ХХАРИШИВУ, ХIАЛИМШИВУ, ДУЛЛАЛИМУНИВУ ТIАЙЛАБАЦИВУ ВА БУЛЛУГЪШИВУ. АЛЛАГЪНАЛ I КУМАГ БАННАВ!

ДУАЪ

ХIажатханттувун ухханнин дуккайсса дуаъ:

اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ

Бисмиллягъи. Аллагъумма инни аоьузубика миналь хубуси валь хабаиси.

ХIажатханттува уккайхтту дуккайсса дуаъ:

غُفْرَانَكَ
الْحَمْدُ لِلَّهِ الَّذِي أَذْهَبَ عَنِّي الْأَذَى وَ عَافَانِي

Гъуфранака. АльхIамдуллилягъи ллязи азгъаба аьнниль-аза ва аьфани.